



In sabda ai 06 de Otober él gnü sughé la cuinta partida dl campionat 2012/2013 de 3° categoria por La Val. La partida é gnüda sugada fora de ciasa cuntra la squadra da Raas, che é adüm ala squadra da Gsiesertal i favories da jí sö te 2° categoria chësc ann.

Por deplü cosses (amoniziuns, infotuni, nozes y.i.i.) é jüda la squadra da La Val a Raas ma cun 12 sogadusc, mo sciöche le alenadú á dit: te campo van in ünesc y sce chi fesc "kämpfen" spo un ince a Raas la chance da portè a ciasa punç.

Bel avisa insciö era stada, i sogudsc che é stá te campo á dè düt y á portè insciö 3 punç a ciasa, davagnan 1 a 3.

Bel da mëter man dla partida an udü dös beles combinaziuns, danter i dui atacanç Micky y Alexander. Alexander vëgn lancé dala difesa cun en bel pal jö por la fascia, al é bun da passè ite a mez ulache Micky röia adalerch y cun en bel copl detacco el bunda stlüje le tringolo cun Alexander. Mo le tiro röia dlungia porta ia. La Val á la partida tles mans, le Raas ne é mai prigorusc, ince por mirit dla buna difesa da La Val che mostra en gran senso dla posiziun, cun düc i cater defensurs che é dër conzentrá.

Dô da na cherdora tomel spo le prüm gol por La Val. Cun na bela aziun danter i centrocampisc röia la pala a Micky. Püch fora dl area el bun da se oje y se porte cuntra la porta. Cun en bel tiro sön le palo cürt el bun da bater le portier da Raas. Le rasoterra ne á nia na gran potënza, mo na gran prezijiun. Le portier se tuffa, mo al ne é nia bun da abiné le pal, che röia bel avisa dlungia le palo ite.

10 menüć dedô é spo le arbiter che scinca en rigore al Raas. En atacant se tol la pala y se porta al esterno dl area. Paolo ti vá dô y cun na scivolata abinel le pal, mo le atacant é dër furbo y se sciūra. Insciö tomel ite le arbiter y ti fischia le rigore. Merch vëgn spiazze.

Mo denant che le prüm tēmp se stlūsc jö é Freddy che porta ciamò sūa squadra in vantaje. Na pala rōia fora dl area, al é bun da cuntrulè y superé le defensur. Cun na bela trata dalunçi de ciamp el bun da bater le portier. La pala rōia sura le portier ite y bel avisa sot la traversas. En bel gol da lunc de Freddy. Le prüm tēmp se stlūsc jö sön le 1 a 1.

Ti secundo tēmp é spo le Raas che mēt man da fá plü druch. Mo La Val é metūs dër bun te ciamp y tres bel concentrá. Ai á na gran grinta y ne lascia nia passè saurí le avversar. Ince Merch te porta ti da na gran segurēza ala difesa cun sūes beles uscites a to jö i pai che rōia alc te area. Raas ciafe deplū poniziuns incēr l'area ia, mo ai ne é nia prigorusc. La difes é tres buna da trá demez. A mesa le secundo tēmp é spo Micky cun na dopietta che stlūsc jö la partida. Alex fesc en gran lancio da metacampo sō. La pala rōia sura la difesa ite, Micky crēi ciamó sön la pala. Le portier prō da gní fora, mo Micky é bun cun en bel tocco d'esterno da superè le portier cun en palonetto. En grandiscimo gol de Micky che stlūsc jö insciö la partida.

Ti ultimi menüć é le Raas che mēt ite ciamè atacanc, mo La Val é bugn da se defēne cina che le arbiter sciūra la fin dla partida.

La partida se stlūsc jö sön le 1 a 3 por La Val. Cun chisc punć davagná se porta La Val al 7° post te tlassifica. Proscima partida é in dumēnia ai 14.10.2012 te cīasa cuntra le Mühlwald.

□

La formaziun titolara: Vallazza Merch, Tavella Thomas, Alton Alex, Vallazza Paolo, Castlunger Marco, Miribung Adrian, Sottara Freddy, Sottara Stefan, Sottara Werner, Miribung Alexander y Frenes Micky.

□

Sostituziuns:

Frenes Egon por Miribung Adrian

Steinhauser Elmar por Miribung Alexander

□

Por udèi i atri resultač drüca (ince di atri campionač ulache sogadusc da La Val süga para) drüca: [resultač](#)